

太平洋會議

面面觀

鏡宙自署

太平洋會議面面觀

朱鏡宙

七月中旬余歸自新嘉坡時太平洋會之說方始盛傳國人之留心外交時局者論著頗多余亦時思畧寫所見以質國人願三月以來忽滬忽廣忽汕忽港人事匆匆執筆屢輟茲復有南洋羣島之遊海行多暇無以爲遣因重綴此文一得之見或亦容許有討論之價值歟

民國十年十一月一日鏡宙誌於 Fortilla 舟中

(一) 太平洋會議之經過

(1) 巴黎和會與太平洋會議之因果 威遜遜總統有鑒於四年半來歐洲戰爭之慘劇欲保持世界未來之和平自非於國際間有一通力合作之機關不可乃有國際聯盟之發起無如歐洲政治家一方戴人道正義之假面具一方仍以處分弱國製造世界未來之大戰爭爲急務巴黎和會之結果不特國際聯盟全失其本來之意義卽美國加入戰爭之目的亦幾一筆抹殺美人至此已復忍無可忍議會明達之士乃犧牲黨爭一致反對和約不予批准此爲美國保全其參戰之精神體面及威信計議會此舉實其應有之態度也惟和約既拒絕矣而其爭執之點乃在於山東問題國際形勢既不能長此終古自不能不別求一解決之道此巴黎和會與大

平洋會議之因果也

(2) 英國殖民地會議與太平洋會議之因果 英日以政策上相同之結果對於英日同盟尙覺有維持之必要然自歐戰發生以來殖民地鑑於日人侵略政策之着着逼緊實不過同盟其名掠奪其實故多表示反對（可參觀拙作南洋羣島英屬之部）英政府於此頗覺難於應付於是而有殖民地首相會議之召集雖經幾度之磋商無如殖民地自有其殖民地之利害關係仍不改其態度中尤以加拿大首相反對爲最烈直謂英日同盟與新國防之精神相衝突印度受日本之苦痛特深亦持異議南非洲斯末資將軍則斤斤於英美携手之必要謂凡足以妨礙英美兩國之諒解者皆須審慎排除之英政府於此一方感英日同盟之必要一方恐啓殖民地之紛爭反致爲美驅爵知非於此會議之外別籌一英美諒解之會議不可此殖民地會議與太平洋會議之因果也

(3) 制制軍備會議與太平洋會議之因果 美國以太平洋主人翁自許者也彼於世界未來之和平自覺負有極重大之責任而其假想中之敵卽爲學步普魯士主義之日本日本今方竭全國之力以完成其八八艦隊之計劃美國處此嚴重形勢之下對於太平洋上軍事擴充計劃愈覺益不可緩然而美國輿論方且一致主張裁減軍制之議并通過於國會矣政府既不能以國防形勢之嚴重置國內輿情而

不願亦不能以國內輿情視世界風雲若無覩於是不得不別謀補救解決之策此限制軍備會議與太平洋會議之因果也

(二) 各國之形勢地位及其態度

甲 英國

(1) 對日之關係

(子) 英日同盟不能放棄之原因 自歐戰以還英殖民地有鑒於日本貌合神離同盟其名侵畧其實之政策無不憤慨填膺寧願以干戈相見不欲維持此有形骸而無精神之同盟故皆一致主張放棄然而英國之見解自與其殖民地不同殖民地以局部之利害爲前提故凡有利於局部者則贊成之否則反對之英國以世界大局爲標準故凡有利於英國之全局者贊成之否則反對之以是之故其主張遂出於兩歧而英政府於通盤籌劃之下覺英日尙有携手之必要其原因不外下述之數點

(A) 英日主義上之相同 英爲世界第一侵畧之國地球之上凡人跡所已發現者幾無一處無英國殖民地英人嘗自誇曰凡太陽所到之處無不有吾英之國旗斯言也卽足爲英人大侵畧政策成功之鐵証榮矣哉英人斯誠足以自豪矣雖然時至今日天賦人權之義大昌民族間之覺悟已大有雨後春筍勃然不可遏抑之勢

昔以强大民族奴隸弱小民族視爲當然之權利者在今日直成爲人類莫大之罪惡愛爾蘭之革命印度之反抗加拿大等處之獨立運動各乘機而起無時無地不在爆發中侵畧政策勢將破產殖民地總結賬之日爲期殆已不遠在昔英人所引以自誇自豪者其在今日視之亦正爲莫大之憂英人於此既不能坐視其殖民地之瓦解則爲維持其固有地位之尊嚴計勢不能不求一同一目的同一政策同一地位者互相結納以保殘局顧環顧今日世界其與英人同政策同地位者舍日本外殆有踏破鐵鞋無處覓之概則聯合日本亦爲英國當然之結果耳

(B)防止美日之戰爭 曩者吾友黃君穎公著英日同盟索隱一書中所論述頗多獨到處惟論日美戰爭一事謂英將幸美日之戰而坐收其成則與吾之觀察適得其反吾謂美日果不幸而出於一戰則無論勝負誰屬在英人地位視之其爲不利則一也夫以英人目下所處地位之困難實不願見世界於近頃時期內復有戰爭至其不能參入戰爭之旋渦則尤爲不成問題之事無如以日美現象險惡觀之實無處不有戰爭之可能此英人所引爲至憂者也以目下之富力軍力言日本不特無一足以敵美而其國內人心之分散軍閥與資本家之專橫使平民階級幾無所措手足過激主義乃得乘機而人勢如就下滿佈於扶桑三島間此又爲日本腹心之大患兼以自日韓合併以來韓人之奔走呼號已非一日近且有聯俄圖日之主

張俄日地理接壤僅一衣帶水使日美一旦而果出於一戰則日本之覆敗恐無待於美國太平洋無畏艦隊之光臨而國內一般無產階級或早已聯絡韓人高揭紅旗與俄國取一致之行動矣日本而果爲過激化者則俄國之聲勢益張西出中央亞細亞之計劃必且着着寔施久伏思逞之印度益難維持歐洲舊式政治大改造之末日至矣卽退一步言日本革命之後或不致取極端行動與俄國相一致然而美旣一戰勝日勢力益厚扶助英殖民地之政策勢必奉行益力愛爾蘭加拿大之獨立或爲指顧間事英人其將何以處之此就美國戰勝言英國固有大不利者在也卽或吾之所料爲不中美日戰爭之結果美敗而日勝者日以戰勝之餘威益將睥睨當世莫敢予撓勢必長驅而吞中國太平洋上甯復容許有白人立足之餘地而英人東方殖民地如香港新嘉坡印度等處亦直爲日人之囊中物任其宰割而已此就日本戰勝言亦非英人之福也以是之故英國實不願今日見有日美戰爭之發現而英日同盟最大之目的卽欲牽制日美勢力使得其平以成一英美日三國對抗之局不敢有所發難耳

黃君於此又嘗以英人將藉英日同盟之保證使日本不復向其南洋一帶屬地移民云云（黃君之意如是）其理由亦殊薄弱吾以謂同盟非禁止入口令可比英人欲阻止日本之移民舍如加拿大澳洲等處之禁止有色人入口外實無其他辦法

若謂同盟即可阻止日人之移民然則歐戰期中日英何嘗廢止同盟而日人之移居於新嘉坡等處者竟超過戰前數倍已可窺其一斑而殖民地反對英日續盟之理由亦即以日本假同盟之名以實行其侵略之政策耳（可參觀拙作南洋群島英屬部）故吾於此亦未敢苟同黃君之說也

（丑）英日同盟將無放棄之日乎 英日同盟既以維持英美日三國對抗之局然則將無放棄之日乎曰不然但其放棄之時期亦有可以憶測者三點

（A）軍備限制案成立之日 英人今日之所慮者即在美日倘有戰爭其結果皆足以直接應響於英帝國及其殖民地之安危倘太平洋會議之結果將軍備限制案完全成立則戰爭所必需之武器既已掃除太平洋戰雲或可消滅英日自派同盟之必要矣

（B）英美日協約成立之日 太平洋會議之結果倘於限制軍備案無充分解決之望則英國惟一之目的即將英日同盟擴充而為英美日協約是也英日同盟之作用在維持三國均勢之局則英美日協約成立均勢之局當益堅固亦自無取於英日同盟之必要况英日同盟尚有促成美俄德中携手之可能英人於此亦不能無所顧慮也

（C）新嘉坡軍港完成之日 日本固為英人想像中現在之友亦即為英國假想中

未來之敵日本以人口過剩之故不能不思向外發展而首當其衝者即爲英人之南洋殖民地英人苟欲拒絕日人之光顧自非有相當實力不爲功所謂相當實力者即實行新嘉坡軍港之議是也倘新嘉坡軍港一旦完成則印度與澳洲間之防線可互相聯絡而東方殖民地之形勢固矣香港某報倫敦電云倫敦傳出消息英與諸屬國會議結果若華盛頓會議關於太平洋事不能得相當之諒解英國將於此時建一東方極有力之海軍以新嘉坡爲根據地（按此節可參觀拙作南洋羣島英屬部）是新嘉坡軍港完成之日或爲日英同盟放棄時也

(2) 對美之關係

(A) 英美主義上之衝突 美人對於世界之政治理想爲解放平等彼以爲世界本可無爭而之所以有爭之原因大都起於民族間之不平等以強并弱以大役小一方視爲天賦之特權一方引爲人間之恥辱積憤既久爆烈旋作而戰禍以起故欲免除世界一切戰爭之罪惡惟有使不平而反之平此美人年來對於世界和平根本上最大之貢獻亦將來根本上解決戰爭惟一之徑途也是故巴黎和會開幕之日美國即以民族自決四字相號召乃各國之地位不同利害互殊而首感此說最大之苦痛躊躇不能自安者即爲英國英人侵地遍天下苟依民族自決之主張則如愛爾蘭印度等處殆非放棄不可英人何以堪此夫英美以地位不同之故遂致

主張互異美人所奉爲金科玉律者英人直視爲毒甚蛇蝎者也

(B) 英美不能作戰之原因 英美政策既根本上不能相容然則英美其將不免出於一戰乎世人評論此問題者咸以英美有血統上之關係英人曾屢屢宣言決不與美作戰且有引英日三次同盟英有鑒於美日形勢之不穩特爲同盟國不負戰爭責任之換文以證其說者吾則以爲血統云云亦正爲歐戰時代英人之所謂人道正義同爲外交上之辭令吾人而欲研究此等重大問題斷不可爲一三外交辭令所先入夫英人所以不願與美作戰之原因實恐殖民地之携貳殆無時無地不有反戈之虞耳吾人試觀年來加拿大之與美國其友愛爲何如美加之間從未有關於任何國防上之設備近加拿大且屢要求自遣大使駐美其關係更可想見倘英美而果出於一戰則加拿大之脫穎而出實爲不可逃之事實也愛爾蘭要求獨立非一日矣當歐戰期中已有乘時崛起之謀幸英人許其獨立事始中寢今以英政府之失信讐恨日深暴動暗殺日必數起且嘗求助於美美亦表示願予助力矣苟英美而決裂愛爾蘭之倒戈而起決無問題印度革命連動伏之已久年來愈趨愈烈大有燎原之勢幾使英人疲於奔命倘英美而宣戰美以斐律濱艦隊之一部長驅而入印度能復爲英人有乎他如南非洲等處其與美國間之感情日篤皆有隨時反目之憂然則英之不願與美戰非不願也實不能耳換言之卽蠢蠢欲動之

殖民地有以制其死命使英人不得不忍氣吞聲耳豈真有念於血統者哉苟血統之說果足阻止英美之戰爭則歐洲各國自嚴格言之無一不有血統關係然則殺人如麻流血盈野之大慘劇何以大演特演於歐洲間哉

(C) 英人不願以英日同盟失美人之好感 英人不願與美決裂已略論如前以是之故凡可傷美國之感情與諒解皆非英人之所願而兩年以來其最足失美人之歡心者莫如英日同盟一事夫以現勢論美之實力自非日本所敢望其項背苟日本之侵畧政策非從根本上有所改善則美國無論何時何地皆不能去其懷疑之念日美間之衝突終爲不可逃避之事實惟其緩發而禍大曷若速起圖之之易於解決此美人之深意也惟日人知之故欲引英自重以牽制美人利於速戰之計劃令其皇儲出馬百計以圖英日同盟之成功英人亦知之乃欲藉英日携手之力維持太平洋上之暫局使美稍欽其鋒不敢過於高壓以促戰禍之速成故當美日宣戰高唱入雲之秋而忽有英日續盟之傳佈蛛絲馬跡固歷歷可尋者也雖然英人初意不過欲以同盟維持太平洋上三國對抗之局初無如何德日之意亦無如何仇美之心無如結果不特無以緩和美日衝突之形勢反召美國及各殖民地間極烈之反對英人於此偷不別求諒解之法恣意孤行其所是必有促殖民地去而就美之危機美國在勢亦必實行其扶助英殖民地之政策此英人所日夜徬徨不能

自己焉

(D)英日同盟有促進中美俄德携手之可能 英日同盟之結果美或將聯德以制英聯俄以制日如其然也世界外交之形勢大變爲禍之烈益將不知所底矣此亦有足注意之價值者也

乙 美國

(1)美日主義上衝突及其互爲消長之理由 日美之不能相容乃主義上衝突之結果非基於某項某事之各個問題而起也日本者軍國主義之國家而美則以民治爲其立國之精神者也使日本之軍國主義而勝則美之民治主義勢將屈而不張美之民治主義而勝日之軍國主義亦必受屈而或至於稍滅此事理之最顯明者今不幸此兩不相容互爲消長之兩主義同時發現於太平洋兩岸因地理上較近之關係兩主義之決戰亦遂愈多自中日日俄兩役以來日本乘戰勝餘威割台灣并朝鮮大伸其勢力於西伯利亞及中國之北部侵略政策之發展大有一日千里之勢自歐戰告終日本復得赤道以北德屬地及中國第一重門戶之山東以去太平洋幾成爲日本囊中物美國至此乃無復有再可容忍之餘地仗義執言投袂而起大有雖出於最後之一戰亦非所惜之概日人感美國種種干涉之苦痛亦寧以一戰解決之馴致日美形勢幾無日不在倭戰中其結果如何非僅美國與日本

之國力消長問題乃世界民治主義與軍國主義消長之大問題也

(2) 援助中國卽所以自援 日美間有一最大不同之點美人所引以自幸日本所視爲莫大之恨者卽以兩國間天惠之不同富力之發展日人自難望與美國有同等之比量是也日人深感此種天惠特薄之苦痛乃於我富藏無窮盡唾手可得之中國遂不覺涎垂三尺無時無地不思攫爲己有而於平時以在各國嚴密監視之下必不容許日本之獨自染指故乘歐戰正酣列強無暇東顧之秋以二十一條強迫我國之承認美國有鑒於日本乘火打劫之急進政策益信日人處心積慮之不善而前此假仁假義日以諒解喧聒於列國之前者爲不足恃乃毅然表示其主張欲以實力援助中國首倡取消二十一條繼復強日本無條件歸還青島此皆日本拙劣之欲速外交政策有以啓美人之不信任益使美國覺悟援助中國卽所以自救之爲必要也蓋中國倘不幸一旦而盡入日人之手日以中國富力爲其發展之後盾當此之時美國尙有高枕之一日否耶是故威氏出席巴黎和會之初卽宣言援助中國之必要卒以此博得全美人士極熱誠之愛戴迨後爲德不卒遂致備受國人之攻擊而終歸失敗今日哈定總統之成功以此卽他日哈氏之失敗與否亦未始不以此卜之也國人於此多未了解美人利害關係之所在每以感情之辭評判美國對華之方針甚或有以人道正義等等之外交辭令妙品以爲研究英日關

係之根據者毋怪其臨事張皇莫知所措也若夫正義人道之苟足恃中美之間絕無其他利害關係則蓋石協約（即蘭辛石井協約與中日二十一條有根本聯屬關係下稱仿此）中所謂日美以互相諒解之結果許日本有中國特殊地位者不特無絲毫意義可言抑何取於諒解之所有總之今日世界之外交除自私自利外決無完全利人之外交倘其自私自利之程度較爲善意吾人已覺引爲萬幸德之不暇矣

(3) 相生相尅之對英政策 英日同盟吾已屢言之矣其目的雖在保持三國對抗之形勢然亦有可以特別注意之一點即維持日本在中國之特殊地位是日本對於同盟之急急繼續者其精神全在乎此自有同盟以來約文雖經三次修政而此特權之維持初未嘗有一字以動搖之夫英既保証日本在中國之特權換言之即不啻排斥美人在中國之特權日本在中國特殊地位增進之結果即爲美國在中國地位減少之結果日美在中國地位之消長問題即爲日美自身實力之消長問題美國之所以不容日本獨在中國染指而倡爲門戶開放機會均等者以此日本之所以憤憤不平務必欲維持其地位者亦在此美人奔走相告以期英日同盟之打銷者以此日人之百方圖維以求英日續盟之實現者亦在此今日英續盟勢將成爲事實美人於此乃不得不別求解決之策一則藉以覘英日真正之態度一藉

以定應付今後外交之方針並以輿論宣傳之力謂美國於太平洋議會將邀請英國各殖民地列席而獨不言及其他之歐洲小國以隱示美國今後將援助其殖民地之政策冀英人自覺以收回其聯日之主張是殆無異於一種對英之警告書所謂攻其所忌是也

(4)小國被邀之可注意 太平洋會議初無邀請小國列席之意今於會議將屆之時而忽有此主張其殆英日間或有關於其他新結合之主張美國鑒於前途形勢之不佳欲藉小國之力以資操縱歟此亦吾人所應注意之一消息也

丙 日本

(1)人口過剩之呼籲 日本今日所引爲正大之理由大呼特呼於列強之前者卽爲日本人口增加速率之過大區區三島已無復有容足之餘地勢不能不別覓新土以移殖其過剩之人口是也夫同爲人類卽同有就食自然界之權利初無某民族應享尊處優某民族當窮餓以死之理日本此種呼籲自足引起世界一般人士之傾聽以動其憐恤矜憫之念然而吾人一就實際攷之則日本人口之增加其速率尙遠在羅馬尼亞諸國之下茲就一八九〇年至一九一〇年間各國人口之自然增加率爲表如下

國別

一八九〇年

一九〇〇年

一九一〇年

巴爾干利亞

一三·七

一六·二

一七·〇

歐洲俄國

一二·八

一七·〇

一七·〇

奧地利

八·八

一一·九

未詳

丹麥

一一·五

一三·七

一四·二

德國

一二·四

一四·九

未詳

日本

未詳

一一·三

一二·四

羅馬尼亞

未詳

一二·七

一五·〇

西班牙

四·六

六·四

九·三

麻奢秋色池省

六·九

八·六

一〇·〇

那威

一二·八

一四·六

未詳

據上表則人口增加率之遠出日本之上者實不知凡幾吾人對於日本此種呼籲僅能視其為侵畧政策之一種手段殊無注意價值之可言也

(2)經濟壓迫之恫嚇 人口過剩之結果必起經濟上之恐慌此經濟學上萬不可免之事實日本以此遂連帶向世界各國絮絮陳述其國內經濟壓迫之痛苦與夫恐慌之現象自俄國革命以後各國畏佈爾維克主義有甚於洪水猛獸且以日俄地理接壤之故日本遂利用之更視為宣傳侵畧政策之絕好資料時大聲疾呼於

列強之前曰日本以人口過剩屢起經濟界之恐慌罷工暴動風潮之日多卽其明證使苟不速爲設法移植則日本早晚間必將陷於過激化日本而苟爲過激化世界各國寧復有高枕之一日紛擾之禍將不知所底止矣凡此云云皆足易淆世人之觀聽使舉世有盡入其彀中之憂而一年以來感受日人此項宣傳政策之最深者厥維英國雖然日本勞動階級之不安年來固屢見不鮮吾人亦承認之然而一究其原因初非在於生產率之增高與人口之過多實由於政府極端保護資本政策有以致之耳

吾嘗聞諸吾友殷君歸自日本之所述言日本資本家種種專橫之狀態在吾當時聞之亦爲髮指眦裂其在身受者之憤慨激昂羣思反抗更安足論殷君之言曰日資本家有盛暑出遊者其汽車之四圍皆堆以冰又曰日本今日奢侈已極雖尋常讌會亦有一人一餐費至四十餘金者嗚呼是何說也彼營營於烈日如火之下之工人竟日揮汗如雨而尙不得一飽而資本家之揮壑乃如是此而可忍孰不可忍日政府於此既未聞有保護工人調劑勞資之政策而反以罷工暴動爲其侵畧宣傳之資料幸而世人皆瞶瞶耳否則日政府製造暴動罷工之罪惡尙能見容於世界耶雖然吾果無暇以此責日政府之不職也蓋資本主義與侵畧主義實一而二二而一者也彼欲侵畧政策之貫澈勢不能不以保護資本爲其前驅無已吾惟有

將世界各國人口之密度列表以白之使當世瞭然於列國之中其人口高度尚有遠出於日本之上者則亦或足稍間日本之口少熄其宣傳之焰歟

世界諸國最近人口幅員比較表

國名	紀年	人口	領土面積	每方里人口平均數
比利時	一九一〇	六·六九三·五四八	一·三三三	五八九
荷蘭	一九一二	六·一一四·三〇二	一·二六四八	五三四
瑞士	一九一一	三·七八一·四三〇	一五·六九七	二二六
意大利	一九一三	三五·二三八·九九七	一〇·五五〇	三一八
德國	一九一〇	六四·九二五·九九三	二〇·八八三〇	三一
奧國	一九一〇	四九·二一一·四二七	二四·四九一	二〇四
日本	一九一三	五二·九八五·四二三	二六〇·七三八	二〇三
法國	一九一一	三九·六〇一·五〇九	二〇七·〇七六	一九一
丹麥	一九一一	二·七七五·〇七九	一五·五八二	一七八
澳洲	一九一一	四·四五五·〇〇五	二·九七四·五八一	一·五

據上表人口密度有高至日本一倍以上者如比利時荷蘭是有高至日本三分之一以上者如瑞士意大利德國等是吾皆未聞其有人口過剩經濟壓迫之呼聲獨日

本高叫亂跳張大其辭毋乃欺世之甚歟

(3) 加洲澳洲等處之關門與日本 人口過剩經濟恐慌乃不得不思移民此日本所持爲侵略人國惟一之護符也自澳洲加拿大相繼禁止有色人口之入境於是日本第一移民之路絕自加洲通過排日之議案於是日本第二移民之路又絕顧猶有肥白之中國爲其宣洩之尾閘者也自美國宣佈中國門戶開放機會均等並

以高壓手段強日本放棄對華特殊地位而最後之路亦幾乎絕矣日政府處此前途茫茫四顧皆非之境乃不得已復以英日同盟之力保障中國固有之地位

(4) 日皇儲遊英與東西兩大帝國結合之朕兆 自巴黎和會以後其爲世界外交上最大之紀念而促一般世人之注意者厥惟日皇儲遊英一事今日世界最大帝國有二一爲東方之日本一爲歐洲之英國自十八世紀以來君主國家漸滅殆盡迄今尙能巍然獨存露其頭角者惟此二大帝國而已然而世界思潮日甚一日此二大帝國者亦無時不在飄搖震盪之中倘或再傾其一則其一無論如何必難幸存以是之故更無時不感互相維繫通力合作之必要日皇儲之遊英卽所以傳達這道秋波者也故劉英未久吾人卽同時得兩種消息一爲英日同盟之繼續一爲英皇儲將於明春遊日而此一來一往更足以證明兩大帝國今後之政策吾前所謂英日同主義同地位同命運者益證所見之非甚謬矣國人倘能於此一加之意

則今後應付時局之變遷或不致大謬乎

吾論至此已將各國之形勢詳述一過繼此而有所言者即爲吾國之地位與其前途之變化茲畧論如下

(一)山東問題及二十一條之將來 今人往往有以山東問題不能提出太平洋會議爲慮者此殆受日本宣傳之暗示而未深究美日關係之真相者也吾前不云美國不願日本之有中國特殊地位及救中國即所以自救者乎威爾遜氏之成功失敗其關鍵全在乎此哈氏繼威氏而起欲挽回威氏之失方有太平洋會議之發起安有以太平洋爲中心之會議而對於太平洋重大問題之山東不予容納解決之理日本知之故欲於會前直接解決之一面復以宣傳政策昌言美國共同管理中國之蜚語以淆惑國人之聞聽國人對於外交向無窮源探本之研究惟恃感情以爲判斷之標準一聞此說卽慄慄危懼不已其不思孰甚吾以謂山東問題之得提出於太平洋會議直無問題惟其結果如何不能不視與山東問題互爲因果之日本高壓手段攬得之二十一條欲解決二十一條不能不先要求美國廢止與二十一條互爲因果之蘭石協約夫蘭石協約不啻爲美國承認日本之有中國特殊地位之保證書也有蘭石之換文而後日本乃敢以哀的美敦書高壓中國承認其二十一條之要求蓋日本實可視此爲蘭石協約所規定特殊地位所應有之結果

矣故必先行設法廢止蘭石協約而後二十一條乃失美國保證之效力而後山東問題乃可連類而從容解決之此吾所視爲外交應有之程序者也其次則吾人應注意英國之態度英國之外交陰狠險毒變詐無常最難測度其與日本有國體地位政策利害種種相同之點自不無幾分同病相憐同類相求之概故其對美雖未敢過拂其歡心其於日本亦自必盡其協作之誼吾人觀於太平洋會議之發起英卽首先贊成以買美國之好而同時對於日本提出直按交涉之條件則又極力鼓吹謂其公正平允力詆吾國拒絕之不當(屢見上海顧使電)卽可得其大概前此吾國巴黎和會之失敗卽完全由於英國之操縱此次英輿論之主張旣已如是將來於和會席上欲望其贊助爲勢實憂乎其難至多亦不過如巴黎和會時吾人聞得一糖面金鷄納霜味之愛莫能助一語而已此國人所應先事預防萬不可再墮英國外交辭令之奸計焉

(二)英美日協約與中國 日本今日所視爲侵略政策大好之資料呼籲於世以急求人之諒解者卽吾前文大述特述之人口過剩經濟壓迫與夫加洲澳洲加拿大新西蘭等處之關門政策之結果乃不得不請求中國特殊地位之繼續是彼又必力証其維持中國特殊地位純爲調劑經濟使日本不爲赤化之苦衷絕無何等領土之野心彼於此必又將提出列強所不願聞命之人種平等案以絮絮於人前

謂列強倘能允許其人種平等案之主張彼必可立時放棄其中國特殊地位之要求凡此云云皆易淆聞聽加以日人宣傳政策之週密高妙尤不難使列強盡入其彀英日續盟空氣之造成卽爲此項宣傳諒解之結果也今英人有鑒於各殖民地之態度以及美國非難之形勢深欲將英日同盟擴充其範圍改爲英美日協約之意夫英美日協約之議既首倡於英則此後之宣傳贊助者當於日本外參入一有力之英人其結果已不難預卜邇來並有擴充爲英美中日四國協約之說總之無論爲英日同盟爲英美日協約或爲英美中日約協而中國必爲被處分則一也不過英美日協約則於英之外加一美國以爲日本有中國特殊地位之保証英美中日協約則於英美保証外加一中國之自承而已倘美國不幸而爲英日催眠式之宣傳所中竟有如蘭辛時代所謂日美諒解者吾國此時究將如何應付乎此吾所急急以求國人之注意者也

(二) 蒙滿與日本之特殊地位 蒙滿富藏無盡向爲日本所最涎羨之地日政府嘗有日人投資蒙滿愈四萬萬元決不能輕與放棄之之宣言在昔對於銀行團之投資且曾有蒙滿除外之要求則其處心積慮之所在已不難窺見一班夫日本之與中國久已視爲囊中物一旦欲其盡行放棄空手而去舍世界大改造或地球崩裂而外殆無此一日萬一會議席上以第三國(祇有英國)之調解請日本無條件

交還山東以全美國之體面而同時要求美國許蒙滿以日本之特權並舉三大誣由如下(一)日本以人口過剩致起經濟之恐慌各國不能坐視其爲赤化(二)使日本而赤化歐美均必不能高枕無憂(三)卽不與日本以蒙滿特權而事實上日本勢力早已佈滿蒙滿各國無從掃除之此外尙有一最大理由爲英日所易置噉者卽蒙滿地接俄疆中國無力防範赤俄主義之侵入是彼輩必且引一年以來蒙古陷落中國無力恢復以爲之証美國正當山東問題勢成騎虎之秋苟得一易爲轉圜之法亦未必絕無軟化之憂使不幸而吾言果中吾國未知又將何法以善其後嗚呼吾爲此懼吾於此益不能爲日言出兵而卒不出一兵之武人怨矣

(四)英日同盟與中國 吾前之英美日協約云云蒙滿特權云云皆就日英外交勝利美國屈伏言之也吾非好爲過慮實則美國外交吾對之向有懷疑之點二其(一)爲好高大之言論而小沉機觀變之態度(二)爲好博虛名而小始終一貫之精神此二點一可證之於蘭石協約之換文一可證之於巴黎和會之結果而得之者也故其初願雖宏苟一遇牛神蛇鬼聲西擊東之歐洲外交家卽往往爲之軟化屈伏而不自覺倘美國此次能懲其已往之失抱始終一貫之精神則太平洋會議之前途吾殊未敢逆料然亦有一點卽會議而無多大效果則日英同盟勢將繼續倘日英而續盟美國外交或不出於下述數點(一)爲美俄德協盟同時或要求中國

加入(一)爲實行援助英殖民地政策(二)爲東方戰備之修治至是而遠東之戰雲愈急中國最後審判之日至矣

(五)中國提案問題 世人對於太平會議吾國提案問題言之詳矣不曰某某條件應提出即曰某某權利應收回雖其建言範圍不無彼此異同之點然而視太平洋會議爲吾國之救命丹如意散萬應膏則一而已矣而區區之見則頗有異於世人一般之旨趣者在夫苟能如世之論者之所期於旬日之間盡將吾國前此所有之損失一舉而收復之此固馨香禱祝以求之者夫復何言然而不勞而獲天下恐未必有如此便宜之事實內察國情外觀大勢更無一有足爲吾人樂觀之處正恐會議之結果一如巴黎和會與世人之所期者適得其反故吾對於太平洋會議惟有下述之三大希望

(A)預備應付被處分之方法 何謂預備應付被處分之方法即如吾前述之蒙滿問題英日同盟問題英美日協約問題而外如中國人口問題經濟問題財政問題鐵道問題裁兵問題國防問題皆應有一未來之切實具體計劃即如西藏問題亦應有相當之準備(參觀拙作南洋羣島英屬之部及少年中國第二卷第七期南洋與吾華民族一文)免致臨時爲人所處分致瞠目結舌一無所表示也

(B)宣佈日本陰謀吾國之罪惡 日本對於吾國惟一之政策即一方製造吾國之

內亂一方卽以吾國內亂宣佈於世界謂吾國人無統一政治之能力實則民國十年以來政象紛紜干戈擾攘民生塗炭百業凋殘無一不由日本爲之厲階試回憶民國二年之役洪憲帝制之謀段氏解散國會之舉日本無一不爲羈中重要之角色歷年來各種製造戰爭之非法借款皆日本一手包辦之卽其最顯著之明証他如軍事同盟國防軍等猶其餘事吾人應將此等罪惡一一宣佈使列強瞭然於日本對於中國內亂之責任則此後一切宣傳政策自無從施其技或亦足以稍戢其野心者乎

(1) 陳訴中國片面義務條約之苦痛 中國名雖爲獨立國家實則自領土權以至於經濟權無一不受列強片面義務條約之束縛而無從容整理之自由此爲中國數十年來感受苦痛最深之處列強一方責中國無政治設施之能力一方重重束縛使其無絲毫自由設施之餘地是無異加人以腳繚手梏而又責之曰爾何行動之不自由也天下理論之不可通孰有過於此者哉吾國於此應將片面條約之苦痛盡情陳訴其效果如何雖不可必然吾敢信至少當可減輕國人無政治設施能力之恥辱與責任倘或以此一動列強之好感亦未可知也

總之吾之視太平洋會議僅爲吾國有自由陳訴其歷來所僞受片面偏枯待遇之機會不敢卽以此爲吾國起死回生之大劑巴黎和會之失敗卽在於吾人希望過

奢之故是以吾不願再於太平洋會議之結果而陷巴黎和會之覆轍也且吾尚有一根本與人差別之觀念在卽英日兩國苟無政治上根本改革之望則世界民治軍國兩主義之激戰終不可免世界仍無日不在混沌恐慌之局吾國亦無時不在特權下討生活而已

吾文至此應告終矣然尚有一事欲附帶以告閱者之前卽

可怕之英國外交

是也英人外交之險詐狠毒殺人而不特不以為仇反以為德是其魔力為何如者卽以中英關係論開中國領土分裂之機者惟英國自有鴉片一役而後中國始無領土完全主權獨立之可言自有南京條約而後中國始無經濟商業政治等等自由發展之機會是則陷中國於今日之局者一言以蔽之英人階之厲耳彼日本者特後起學步而尙未甚肖者也然而方今舉國上下祇聞有仇日之聲絕未有一不字加諸英人之身吾以是安得不佩英人外交手段之高妙而益歎日人外交手段之拙劣哉

雖然吾爲此言初非有袒日之意亦決無鼓吹仇英之心不過吾於敬佩英人之餘不得不以一言畧寫吾個人之感想而已

英人對於吾國之態度亡固未必卽其所欲強亦非其所願而其惟一之目的卽在

維持此不生不死之局以爲其吸收經濟之惟一市場而已（中國進口貿易以英國爲獨鉅年達一萬萬四千餘萬之多而各殖民地尙不在內）彼以殖民地接近中國之故無時不有戒心印度爲其東方殖民地全局之重心而其陸路之門戶乃在吾國之西藏新嘉坡爲其東方殖民地海上之重心而其商業經濟人口之實力全在吾華僑掌握中中國民族雖有愛好和平之特性然苟強盛者則英人東方外交之多事勢或難免以是之故除壓迫掠奪之政策外絕未聞有一善意輔助之言不獨其政府然卽其國之言論界亦多類是倫敦之泰晤士上海之字林西報吾人曾有一度聞其關於中國善意建設之表示乎除督促中國履行片面義務條約外僅於巴黎和會席上一聞英相之英國對於山東問題甚願幫忙但爲英日秘約所束縛英國於外交史上從未有失信於人者遂致愛莫能助之欺人自欺之一言耳夫巴黎和會之失敗與其謂失敗於日本毋寧謂失敗於英人之手英人既不願失日本之好又不願失中國之歡乃以製造糖面金鷄納霜之方法欲玩吾國人於孤掌之上嗚呼狡矣吾國人倘欲於外交上得英人之助力者吾直以謂夢想不特無此機會亦直無此幸福也

吾對於吾國國際上澈底放棄束縛還我自由之希望決不在今日侵略主義盛行之英日而在將來政治革新民治思潮湧現之英日卽吾對於世界和平之希望亦

決不在兩主義同時並現之今日而在民治主義剷除軍國主義之將來國人其能於此加之意乎至於同床各夢之太平洋會議吾以為成則或可稍緩戰禍不幸而敗適足以促世界第二次大戰爭之爆發而已



Handwritten text inside a rectangular box, possibly a date or reference number.

8

Handwritten signature or name.